



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XIII.

urn:nbn:de:hbz:466:1-11453

dine implerent : Portendi putabant expeditionē in terram sanctam. Interea Conradus Henrici Imperatoris maior filius, iuuenis modestissimus, & qui regno, etiam Imperio dignissimus videretur, patris mores & vitia detestatus, abiit à curia indignabundus, sed à patris conversationem magis secūm quàm apud vllum accusans. Contendit in Italiā, & ibi Mathildæ optimæ fœminæ, & amicorū, honestā gubernandi rationē inijt, sub nomine regis Italiae : Paruit enim magna Italia, & præsertim Lōbardia pars Imperatoribus à memoria I. Ottonis. Dūdum enim illum pater creauerat regē, sed nunc à moribus eius abhorrentem contempsit : coronamq; dedit iuniori Henrico, qui postea patrē destituit Imperio. Conradus autem in Italia vixit annis nouem, ea modestia, vt rex haberetur & esset : nulli tamen grauis imminabat. Venientes à patre milites honorificè excepit : nullum se coram malè de patre loqui sinebat, semper illum patrem dominum Imperatorem appellans. Per quæ tempora Ladislaus Pannoniæ, hoc est, Vngarorum, rex, vita excessit : ad eō moribus & vita probatus, vt inter Sanctos referri mereretur. Welpus deinde dux, aliquandiu extra gratiam regis, Noricorum siue Bauarorū ducatum amissum, reconciliatus Imperatori, denuò recepit.

CAPVT XIII.

Imminebat per ea tempora gloriosa illa in terram sanctam expeditio, quam Urbanus pontifex in Franciam descendens, Claromontano concilio excitauit. Armata sunt multa Christianorum millia, principes nonnulli, in quibus præcipuus ductor Godsfidus dux, materno genere Lotharingiæ : nam pater eius comes erat Bōloniæ. Appellant verò ducem Bulioni, qui nunquàm erat ducatus. Sed cū locum illum Godsfidus teneret, &

materno, ut diximus, sanguine Lotharingia ducatum tangeret, dux Bulioni appellatus est. Erat enim eius mater soror Godfridi Gibbosi ducis Lotharingie: quando Sigibertus Gallus contendat, illi ducatum Lotharingie esse datum ab Henrico III. Imperatore. Erat enim ut ad arma egregie instructus, & auxilio venit cum coppi Henrico, cum ille repetito aliquot vicibus praelio adversum Rodolphum Suevum pugnaret. Sed, quod in laudibus Godfridi precipuum est, cum concionante summo pontifice expeditio sancta à multis principibus & infinito esset populo suscepta, Godfridus cum fratribus Balduino & Eustachio, omni patrimonio diuendito, in eam se contulit expeditionem, militibus, quantos poterat, ex ære perarmatis, & in longinquam & luctuosam expeditionem sumptis viaticis. Quo autem ordine in terram sanctam pervenerit, qua & quantū ibi gesserit in ipso itinere, & in Palestina, quomodo Hierosolymam receperit, firmaverit, reliquerit, quā multipliciter in literas missum est, & iam notissimum Sebastiano Brant disertissime in opere, quod Romanorum regi Maximiliano dedicavit, commemoratum est, & nostro longè alienum est instituto, relinquamus ad Imperatoris Henrici III. acta reuertentes. Is cum diu abfuisset, anno tandem septimo ex Italia regressus Ratisponam se contulit: ibique, Iudeos, qui inuiti baptizati erant, permisit ad Iudaismum redire, quando nullo Christianitatis caractere erant insigniti: Corde enim creditur ad iustitiam. Circa Calendas autem Decembris colloquium habuit cum principibus Moguntiae de pace & unione: & proximo anno eodē in loco cum populo essent Iudei & rebus exuti, cum quaestio de facultatibus eorum, quae multae fuissent, ageretur: archiepiscopus

cum co
nec sat
cebatu
bellion
nia: se
suscita
tur. Int
nam, q
licto m
lio, de
nus pon
Illa ver
sancta
persona
in Chri
tus inf
hoc est
rans sec
tumam,
& omni
pontific

Q
mag, fa
stissime
ducis S
nacho si
erant,
eius bra
tonis B
lens inf

cum cognationem suam inde culpam tutari vellet, nec satis posset, cum eis profugit in Thuringiā: nam dicebatur & ipse gustasse de praeda. Vnde Imperatori rebellionem quandam ostendere voluit ex proxima Saxonia: sed pacatis utcunque rebus, qui caesi erant Iudei, suscitari de morte non poterant, pradam viui partuntur. Interim inualefcit indignatio inter regem & reginam, quam ille cepit exhorre. Illa autem, pessimo relicto marito, Romam contendit: ibiq; conuocato concilio, de crimine pessimo Imperatorem accusauit. Urbanus pontifex excommunicationem in eum renouauit. Illa verò, dimisso rege, reuersa est in Rusiam: ibiq; in sancta conuersatione honestarum, quas aggregauit, personarum, Domino seruiens, mater effecta multarum in Christo filiarum, feliciter consummauit. *Doigbertus* infaustus Henrici pontifex, ad hunc vsque annum, hoc est, centesimum post mille, durauit, sæpè deplorans secum inter amicos, quòd infelici loci subièrit fortunam, vir utique ingenio, vita, & nobilitate, facundia & omni virtute satis praeitus: sed qui non legitimè ad pontificatum se passus est impelli.

CAPVT XV.

Quo etiam anno interijt Conradus rex Henrici filius in Italia, Mathildi consanguinea grauissimāq; fœmine adherens: cuius consilio & auxilio honestissimè vitam traduxit: vxorem penè inuitus ducens ducis Siciliae filiam, qua cum continentissimè vixit, monacho similior quàm regi. Testati sunt qui defuncto aderant, cum veneni sumpti esset suspicio, crucem se in eius brachio vidisse. Eo tempore Henricus Crassus, *Ottonis* Bauari filius, in Phrisia caditur cū alijs multis, volens in senem populum ad iuga perducere. Sed non est